



Aproveita oportunidades iha ita nia moris tomak

Revizaun ba Kapital Umanu Timor-Leste



Sumariu Ezekutivu

Timor-Leste hasoru hela krize kapitál umanu. Labarik sira ne'ebé moris iha Timor-Leste ohin loron sei iha menus husi metade produtividade ema-boot sira ne'ebé lolos sira bele, se sira hetan edukasaun no saúde ne'ebé kompletu. Nune mos, Fundu Petroliferu, nu'udar motór prinsipál ba ekonomia dezde nasaun ne'e nia independensia iha tinan 2002, iha risku atu hotu iha dekade ida nia laran, fó ameasa ba sustentabilidade ekonomia Timor-Leste nian, nune'e mós sistema saúde, edukasaun no protesaun sosial. Pandemia COVID-19 aumenta no aselera dezafiu hirak-ne'e no hakle'an liután dezigualdade sosioekonomiku no jeografiku iha nasaun laran tomak. Atu bele prepara ba futuru ida-ne'ebé mak depende ba património kapitál humanu, tempu ne'ebé disponivel ba Timor-Leste limitadu tebes no dezafiu ne'ebé hasoru boot tebes.

Maske iha perspetiva ne'ebé ladun diak, iha mos oportunidade úniku ne'ebé presiza aproveita agora atu rezolve krize ne'e. Populasaun iha nasaun ne'e maioria joven, no iha janela oportunidade ida-ne'ebé sei taka lalais atu harii nivel kapitál umanu ne'ebé aas liu husi edukasaun ho qualidade, saude, nutrisaun no protesaun sosial. Liu husi kapitalizasaun ba esplozaun juvenil no tradús ba dividendu demografiku ida, povu Timor-Leste bele sai hanesan motór ba kresimentu ekonómiku nasaun nian. Ida ne'e presiza gasta ho di'ak liu, no la'ós nesesariamente gasta barak liu, iha vida tomak iha setór públiku, no estimula setór privadu ida ne'ebé diversifikadu. Koordenasaun di'ak liu ba parte interesada sira, akuntabilidade ne'ebé di'ak liu, no harii sistema dados integradu no komprehensivu ba elaborasaun polítika, monitorizasaun no avaliasaun bazeia ba evidénsia sei sai nu'udar pontu huun ba desenvolvimentu ida ne'e.

Mensajen xave ualu bele distilla husi avaliasaun Kapitál Umanu Timor-Leste (HCR) 2023. Mensajen hirak-ne'e sai hanesan pontu referénsia komún ida ba Governu Timor-Leste (GoTL) no parte interesada sira seluk ne'ebé ativu iha desenvolvimentu umanu atu identifika prioridade sira ba kurtu no médiu prazu ba investimentu iha saúde, edukasaun no protesaun sosial. Hamutuk, ida-ne'e hotu bele fó benefísiu ekonómiku nivel individuál no nivel makro no hadi'a rezultadu desenvolvimentu.

Mensajen xave 1: Timor-Leste hasoru hela krize kapitál umanu.


Kapitál umanu refere ba koñesimentu, abilidade no saúde ne'ebé ema halibur iha sira-nia moris tomak, hodi nune'e sira bele realiza sira-nia poténsia tomak.

Nunee, ida-ne'e hanesan motór sentrál ida ba kresimentu sustentavel no redusaun kiak. Susesu kapitál umanu depende ba nasaun nia sistema prestasaun servisu no ambiente ne'ebé fasilita merkadu traballu nune'e mós setór saúde no nutrisaun, edukasaun no protesaun sosial. Iha Timor-Leste, labarik sira ne'ebé moris ohin loron sei iha de'it porsentu 45 produtivu hanesan ema-boot sira se sira hetan edukasaun no saúde ne'ebé kompletu tuir Banku Mundial nia Indise Kapitál Umanu, hatudu distansia ne'ebé dook hosi parseiru ekonómiku no rejionál sira.

Se laiha asaun urjente ruma, kondisaun kapitál umanu ne'ebé aat ona iha Timor-Leste bele sai aat liután. Fundu Petroliferu ne'ebé sei hotu iha dekade oin mai signífika katak nasaun ne'e presiza fó kapasidade ba ninia ema sira atu sai nu'udar motór ba kresimentu ekonómiku nasaun nian. Tenke fó atensaun espesífiku ba kapasitasaun ba labarik-feto no feto sira nu'udar kontribuinte importante ba forsa traballu, no mós ba rezultadu saúde, nutrisaun no edukasaun jersaun oin mai nian.

Timor-Leste nia perfíl demográfiku oferese janela oportunidade, maibé janela ne'e taka lalais dadaun. Maski rasio dependénsia - rasio ba labarik no populasaun ferik-katuas kompara ho populasaun traballu ne'ebé sira depende ba - agora dadaun tun, maibé sei hahú sa'e fali iha 2050 (Figura ES1). Se wainhira la iha populasaun ida-ne'ebé saudavel, edukadu, no produtivu, tranzisaun ida-ne'e bele lori ba kondisaun sosiál no ekonomia ne'ebé destabiliza.

Figura ES1: Aumentu iha Rasio dependénsia iha Timor-Leste



Fonte: Kalkuladu ho baze ba Nações Unidas, DESA, Baze de dados Divizaun Populasaun, 2019

Nota: Rasio dependénsia ba idozu no labarik sira sukut entre populasaun idozu (tinan 60 liu) no labarik (0-14) ida-idak, ba iha populasaun idade servisu nian (15-59). Total rasio dependénsia soma hamutuk.

Akumulasaun kapitál umanu iha presau adisionál nia laran tan impaktu husi pandemia COVID-19 nian. COVID-19 halo ema lakon servisu besik porsentu 40 husi populasaun ne'ebé servisu ona no interupsaun ba servisu públiku sira. Ida ne'e iha impaktu negativu longu prazu ba saúde no nutrisaun, aprendijazen, no rendimentu ba vida tomak. Maibe krize kapitál umanu la'ós krize COVID-19. Maski antes pandemia ne'e, nivel aas husi gastu ba kapitál umanu iha Timor-Leste la rezulta iha dezvoltamentu umanu ne'ebé di'ak liu, ne'ebé hatudu inefisiénsia iha gastu sira.

Evidensia globál sujere katak dolar ida husi gastu públiku ba kapitál umanu efektivu liu duke dolar ida husi gastu públiku ba kapitál fiziku atu alkansa objetivu rendimentu no pobreza, no benefisia kiak sira iha proporsau ne'ebé la proporsional. Foku klean liu ba investimentu kapitál umanu ne'e esensial tebes ba kresimentu sustentavel ba tempu naruk iha Timor-Leste, hanesan hatudu durante Timor nia proposta atu tama ba Asosiasaun Nasaun Sudeste Aziatiku (ASEAN).

Mensajen xave 2: La iha nesesidade direta ba aumenta despeza publika iha kapitál umanu, maibe ba despeza publika ne'ebé di'ak liu.


Timor-Leste nia gastu ba kapitál umanu ne'e maizumenus hanesan ba nasaun ida-ne'ebé iha nivel dezvoltamentu hanesan ho Timor-Leste, maibe gastu ne'e la tradús ba redusaun kiak ka hadi'a rezultadu kapitál umanu tanba gastu ne'ebé la eficiente no limitasaun ba prestasaun servisu. Ho Fundu Petroliferu ne'ebé mak mihis daudaun, prezisa intervensaun ne'ebé lalais no komprehensivu iha setór saúde, edukasaun no protesaun sosial.

Iha setór saúde, 77 porsentu husi despeza mai husi orsamentu estadu. Maski iha mudansa parsial iha infraestrutura no parte ida-ne'ebé aumenta husi komponente despeza ne'e ba saláriu, facilidade saúde barak sei falta nafatin ekipamentu báziku no forsa traballu ne'ebé prezisa atu fornese servisu primáriu ka especialidade sira (Dezeñu ES2). Jeografikamente, distribuissau facilidade saúde no forsa traballu sei kontinua iha desigualdade, no utilizaissau servisu saúde nian sei relativamente kiik. Solusaun inovativu sira ba prestasaun servisu saúde nian, porezemplu, liuhusi teknolojia no telemedisina, bele ajuda hodi kompleta defeitu sira iha abilidade klínika no asesu ba servisu sira.

Despeza ba edukasaun relativamente aas tuir padraun internasionál, ho porsentu 4.1 husi PIB. Iha ne'e mós parte saláriu husi despeza kontinua sa'e, ne'ebé bele fó impaktu ba sustentabilidade no mudansa husi input esensial sira seluk


(Figura ES3). Despeza ne'ebé aumenta la refleta iha resultadu edukasaun ne'ebé diak liu. Investimentu sira iha infraestruturá edukasaun mós limitadu iha tinan hirak ikus ne'e maske iha nesidade ne'ebé aas iha futuru, liuliu ba edukasaun sekundária: númeru labarik tinan 3 to'o tinan 5 sei aumenta maizumenus porsentu 17 entre 2018 no 2030, presiza edukasaun ho kualidade aas ne'ebé kontinua.

Figura ES2: Kompozisaun despeza publika iha área saúde



Fonte: Indikador Dezenvolumentu mundial 2020 Baze dados Banku Mundial

Figura ES3: Kompozisaun despeza publika iha área edukasaun



Fonte: Indikador Dezenvolumentu mundial 2020 Baze dados Banku Mundial

Despeza protesaun sosiál ne'ebé aas permite benefísiu no servisu oioin, maibé impaktu ba ben-estar limitadu tebes. Sistema prestasaun servisu kontinua fragmentadu, hodi hamosu todan administrativu ne'ebé aas ba legislador no operador sira tanba la iha monitorizasaun sistemátika ba efikásia programa nian. Programa asisténsia sosiál prinsipál sira kontinua hatudu impaktu ne'ebé ki'ik tebes. Bolsa da Mae (Mother's Purse ka BdM) hamenus ona proporsaun populasaun ne'ebé moris iha liña kiak nia okos ho persentajen 0.9. Redusaun kuaze la significativu iha nível kiak no mukit nasional ida-ne'e tanba nivel beneficiariu ne'ebé ki'ik tebes no kobertura ba populasaun kiak hosi programa ne'ebé limitadu. Nunee mós, programa boot subsidiu ba veteranu ne'e la diriji ba sira ne'ebé presiza liu. Programa ne'e konsege prevene ona aumentu nivel kiak no mukit ho pontu persentajen 2.6 deit, maske ida-ne'e iha kustu boot porsentu 4.5 husi PIB naun-petroliferu nasaun nian. Tanba ne'e importante primeiru atu gasta di'ak liu antes konsidera gasta barak liu tan.

Mensajen xave 3: Sistema dados integradu nesesáriu tebes atu halo polítika ne'ebé orientadu no eficiente, monitorizasaun, avaliasaun, no akuntabilidade.

Sistema dados ne'ebé eficiente no integradu, sai hanesan sasukat ba formulasaun polítika ne'ebé bazeia ba evidénsia, no ho alvu ba despeza sira husi, saúde, edukasaun, no protesaun sosial. Sistema dados hirak-ne'e mós fundamental ba monitorizasaun no avaliasaun ba dezempeñu programa no institusionál sira, hodi kria akuntabilidade. Maske iha Sistema Jestaun no Informasaun (MIS) Operasional oin-oin iha Timor-Leste, sira-ne'e dala barak izoladu, ho asesu ba dados ne'ebé limitadu no la transparente. Lakuna boot ida mak falta plataforma jeospasial (Geospatial platform).

Falta sistema identifikasaun (ID) ida-ne'ebé konfiável no inkluzivu mós prejudika inkluziun, dijitalizasaun, no prestasaun servisu protesaun sosial, finanseiru, kuidadu saúde, no servisu edukasaun. Governu dezenvolve tiha ona Planu Estratejiku Sistema Identifikasaun Uniku (UID) 2021-2025 ba sistema baze Identifikasaun ne'ebé bele fó referencia iha prestasaun servisu dijital ba sidadaun hotu-hotu. Planu ne'e konsidera nesesidade ba rejime regulador ida-ne'ebé forte ba protesaun dados, maibé ida-ne'e sei hein hela ninia adosaun no implementasaun. Sistema UID ida bele loka oportunidade ba prestasaun servisu dijital sira no lansia ekonomia dijital ida-ne'ebé luan tanba internét iha Timor-Leste sai baratu no konfiável liu, maske kestaun kobertura internet kontinua nafatin hanesan lakuna ida.

Mensajen xave 4: Kapital Umanu lakon iha faze inisiu moris-nian tamba lakon produtividade boot no labele hadi'a.

Maske iha progresu iha área espesífiku sira, rezultadu dezenvolvimentu barak ne'ebé relaciona ho kapital umanu entre bebé foin moris no labarik sira iha Timor-Leste kontinua fraku. Lakon kapital umanu sira-ne'e, labele atu hadi'a iha loron ikus mai no prezisa hadi'a urjente. Maske kobertura kuidaun iha faze antes moris hadi'a tiha ona no Governu kompromete maka'as atu hamenus stunting (atrazu iha kresimentu) hanesan hatudu iha Planu Asaun Nasional Konsolidadu ba Nutrisaun no Seguransa Ai-han (CNAP-NFS), kontinua impase iha termu mortalidade inan no labarik nian, nune'e mós stunting (atrazu iha kresimentu), ne'ebé bele hamosu danu ne'ebé labele hadi'a ba labarik nia dezenvolvimentu kognitivu. Iha nesesidade urjente atu harii sede institusionál ida ba órgaun koordinasaun nutrisaun supra-ministerial ida atu intensifika intervensaun sira ho impaktu aas no hametin responsabilidade setorial. Relaciona ho ne'e, número vasinasaun tun ona, no dezafiu foun sira, hanesan aumentu boot iha todan moras la'ós transmisivel (NCD) no moras infesioza foun ne'ebé mosu daudaun, halo estrese liután ba sistema kuidaun saúde ne'ebé barak liu ladun iha dezempeñu diak. Tendensia hirak-ne'e kontinua asiadu ho

diferensa jeográfika no sosiu-ekonomika ne'ebé persistente, inklui asesu ba kuidadu saúde, no sai todan liután ho pandemia COVID-19 nian.

Intervensaun edukativa iha infánsia (otas sedu) ne'ebé promove labarik sira-nia dezvoltamentu kognitivu no sosiu-emosional iha sira-nia tinan dahuluk, iha impaktu kle'an ba sira-nia abilidade atu realiza sira-nia poténsia iha futuru. Maske iha aumentu jerál iha asesu ba edukasaun iha Timor-Leste, qualidade no inefisiénsia sistema edukasaun nian nafatin sai dezafiu boot. Nivel rejistu iha edukasaun infantil no edukasaun sekundária kontinua ki'ik nafatin, liuliu iha rejiaun remota sira. Liutan ne'e, estudante sira la aprende hanesan lolos sira tenke aprende, tanba qualidade no kondisaun hanorin no aprende ne'ebé ladún di'ak, ne'ebé resulta iha nível repetisaun aas no hakotu eskola (*dropout*).

Programa rede seguransa sosiál Timor-Leste nian ho objetivu atu prevene hahalok kontra negativu ne'ebé dala barak fó impaktu ba despeza uma-kain nian ba ai-han no saúde. Programa hanesan BdM, no mós "jerasaun foun" BdM Jerasaun Foun, programa transferénsia osan la ho kondisaun ne'ebé komprehensivu, ba uma-kain sira ne'ebé iha labarik ki'ik, inan isin-rua sira, ka labarik sira ho defisiénsia, mós iha poténsia boot, mós iha lakuna kobertura boot. Impaktu husi transferénsia ba orsamentu uma-kain mós ki'ik. Liutan ne'e, menus mudansa hahalok komunikasaun ka kondisaun, signifika katak programa hirak-ne'e la estimula nesiedade ba servisu saúde, edukasaun, ka servisu sosiál sira.

Mensajen xave 5: Saúde, edukasaun, no merkadu traballu ba labarik no adolescenti Timoroan sira-nian, liuliu feto sira, mak kiak liu iha mundu.


Porsentu ruanulu husi foin-sa'e Timor-oan sira ho idade tinan 15-24 la iha eskola ka la servisu, número ne'ebé la tun dezde 2010, tanba edukasaun ne'ebé ki'ik liu husi média, tanba limitasaun ba prestasaun servisu saúde, no protesaun sosiál ne'ebé la efetivu durante labarik no adolescenti. Partisipasaun eskolar média "ne'ebé ajusta ba qualidade" ne'ebé atinji tinan 6.3 de'it, mak hanesan sintomatiku husi rezultadu aprendizajen ne'ebé ladún di'ak, liuliu tanba labarik sira eskola deit maizumenus tinan 10.6 iha eskola. Labarik sira husi família kiak sira no sira ne'ebé hela iha área remota sira iha nasaun ne'e mak iha situasaun ne'ebé aat liu. Numeru boot iha sala-laran no nivel proporsaun estudante-hanorin nain ho had'ia ituan deit iha kompeténsia hanorin, resulta ba distorsaun iha relasaun idade/tinan eskolar, iha repetisaun sedu (numeru tolu aas liu iha mundu, Figura ES4), taxa hakotu eskola(dropout) 20 porsentu, no iha menus motivasaun. Servisu protesaun sosiál sira ne'ebé ho objetivu atu estimula partisipasaun eskola, inklui BdM, hasoru lakuna kobertura ne'ebé boot no iha taxa susesu oioin.

Ida ne'e halo todan liu tan ho obstákulu signifikante ba asesu ba atendimentu saúde esensiál sira. Dala ruma labarik-feto sira ne'ebé seidak kaben no feto sira ne'ebé menus husi tinan 20, la hetan asesu ba atendimentu saúde reprodutiva. Dadus no sistema

informasaun disponivel ba indikadór saúde sira-ne'e menus tebes, hodi prevene vizaun kompletu kona-ba eskala loloos ba dezafiu saúde sira-ne'e. Maske nunee, evidénsia disponivel ne'ebé limitadu sujere katak pursentu 19 de'it husi fetu sira ne'ebé seidak kaben mak responde ba sira-nia nesesidade ba kontrasepsaun.

Figura ES4: Distribuisaun Taxa Repetisaun Primeiru Ano (porsentu)

iha Asia Leste no Pacifiku (EAP) no Nasaun Non-EAP sira



Fonte: Uja EGRA ba avaliasaun inisiu husi inovasaun rua Edukasaun Basika iha Timor-Leste, Banku Mundial, MEJD, Governu Australia

Mensajen xave 6: Sistema protesaun sosiál no kuidaun saúde ba ema adultu prezisa iha mudansa radikál ida.


Ho porsentu 14 iha tinan 2021, taxa dezempregu aas, ne'ebé afeta maka'as liu husi sistema formasaun no formasaun vokasional menus husi ideal no sistema profesionál no sai aat liu tan husi nesesidade traballu ne'ebé ki'ik iha setór privadu. Fornesimentu ba ema sira ne'ebé ho edukasaun superior mak dala rua liu fali nesesidade merkadu traballu nian, maibé distribui la hanesan iha setór sira-nia laran (Figura ES5), ho fornese traballu estranjeiru nu'udar lakuna kriticu sira. Kontinua nafatin lakuna signifikante abilidade sira, inklui iha área abilidade dijital no abilidade ne'ebé prezisa iha setór prioridade sira, hanesan manufatura no turizmu.

Maizumenus porsentu 72 husi populasau ne'ebé servisu hela, servisu iha setór informal, halo traballador barak liu iha Timor-Leste vulneravel ba xoke relasiona ho empregu. Sistema pensaun kontributivu Timor-Leste nian kobre de'it porsentu 34 husi forsa traballu no hasoru dezafiu sustentabilidade fiskál sira. Atu mantein sustentabilidade fiskál, prezisa hasa'e taxa kontribuisaun ba porsentu 6.7 husi salariu iha tempu badak no to'o 31 porsentu husi salariu iha 2100 nia laran – ne'ebé la realistiku. Sistema protesaun sosiál mós falta benefísiu hirak ne'ebé importante tebes ba dezempregu hodi mantein kondisaun moris durante períodu dezempregu. Maske pensaun sosiál naun kontributivu fornese transferénsia osan US\$50 kada fulan ba ema ho defisiénsia sira, difisil atu avalia se apoiu ne'e atinje duni sira ne'ebé prezisa liu, tanba de'it aplikante sira ne'ebé laiha kapasidade

permanente atu servisu mak konsidera elijivel. Nunee, Timor-Leste prezisa ekonomia diversifikada ida-ne'ebé permite kriaun empregu iha setór privadu reziliente ida-ne'ebé komplementa despeza governu nian, ne'ebé suporta husi sistema protesaun sosiál ne'ebé ho alvu di'ak liu.

Melloramentu iha saúde no bem-estar forsa traballu nian mós iha risku nia laran. NCDs sira, ne'ebé dudu liuliu husi konsumu tabaku no alkool no ai-han ne'ebé ladí'ak, sa'e daudaun, ne'ebé, hamutuk ho falta sistema saúde primáriu no referál ne'ebé forte, justu no bele asesu ho universal, mai ho kustu ne'ebé aas.

Figura ES5: Dezigualdade oferta hosi Trabalhador hoabilidade aas entre seitor sira iha Timor-Leste



Fonte: Adaptadu hosi relatório "Perspetivas do Mercado de Trabalho 2021 Edição 11" da SEFOPE

Mensajen xave 7: Atu hatán ba krize kapitál umanu, prezisa harii kapasidade institusionál no akuntabilidade no hadi'a koordinasaun husi parte interesada sira.

Tanba urgente tebes atu rezolve krize kapitál umanu, iha nesesidade ba mekanizmu akuntabilidade iha nivel aas liu Governu nian. Maske prosesu naruk atu hametin instituisaun sira iha Timor-Leste la'o hela dezde independénsia, maibé legadu frajilidade sistemátika iha kontestu pos-konflitu nasaun ne'e nian halo kle'an liután inefisiénsia no impede akumulasaun kapitál umanu. Nunee, iha nesesidade urgente atu hametin jestaun finansas publika, aprovisionamentu no kapasitasaun institusionál ne'ebé luan liu, la'ós de'it iha nivel nasional maibé mós iha nivel munisípal. Hadi'a kapasidade institusionál mós iha ligasaun ho hadi'a kapasidade ba resposta no akuntabilidade. Akuntabilidade

partikularmente importante tanba planu asaun setorial sira iha tendénsia atu estabelese planu asaun ne'ebé ambisiozu, no dala ruma ambisiozu liu, maibé falla iha planu no meta atividade anuál sira ne'ebé detalladu.

Grupu parte-interesada boot ida iha Timor-Leste ativu iha área kapitál umanu, maibé aspetu importante sira sei iha nafatin izoladu iha nivel intra no intersetorial sira, presiza koerénsia no koordenasaun ne'ebé boot liu. Parte interesadu públiku sira hatudu interese ne'ebé la hanesan iha agenda kapitál umanu, ho iniciativa Governu nian parese fragmentadu. Taskforce intra no intersetorial sira bele ajuda ministériu no ajénsia públiku sira atu hatán ho efetivu ba dezafiu konjunta sira husi prestasaun servisu saúde, edukasaun no sosiál sira, liuliu adapta ba sidadaun sira ne'ebé vulneravel liu iha Timor-Leste. Koerénsia no koordenasaun ne'ebé boot liu mak importante liuliu tanba tranzisaun finanseira ne'ebé la'o hela iha nasaun ne'e, durante ne'ebé kapitál umanu presiza aumenta tuir aumentu rendimentu nasional, enkuantu assisténsia ba desenvolvimentu hanesan parte ida husi rendimentu nasional nian tun. Maske nunee, parte-interesada internasionál sira importante nafatin, liuliu ba akumulasaun kapitál umanu. Dala ida tan, presiza koordenasaun ida-ne'ebé di'ak liu tan iha nivel intra no intersetorial. Ida ne'e bele promove liuhusi komisaun ida-ne'ebé dirije kapitál umanu ho objetivu atu konverge investimentu setorial no lori sinerjia ba rezultadu desenvolvimentu ne'ebé diak liu.


Mensajen xave 8: Intervensaun prinsipál ualu, hamutuk, bele sai nu'udar pilar sira ne'ebé krusiál hodi responde ba krize kapitál umanu.

Analize husi Revizaun Kapitál Umanu ne'e identifika intervensaun prioridade ualu iha área temática haat hodi rezolve krize kapitál umanu (Tabela ES1): (a) Hadi'a efisiénsia despeza publika no estimula nesesidade ba servisu públiku sira (b) Hadi'a rezultadu saúde no nutrisaun liuhusi reforma sistema saúde; (c) Hadi'a rezultadu edukasaun no hakotu lakuna abilidade kritika sira; no (d) Hametin dezeñu polítika, monitorizasaun, avaliasaun, no akuntabilidade bazeia ba evidénsia. Hodi halibur abordajen setorial no siklu moris ida, enkuadramentu kauzalidade ba rekomendasaun sira husi HCR (Figura ES6) hatudu oinsá akumulasaun kapitál umanu ne'ebé ki'ik iha Timor-Leste lori ba produtividade no rendimentu ne'ebé menus.

HCR ne'e lansa ona bainhira nasaun ne'e tama iha períodu eleisaun parlamentár tinan 2023. Haree ba urjensia husi kestaun sira ne'ebé deskreve ona iha HCR, estabesimentu Taskforce Kapitál Umanu ne'ebé kompostu husi liña Ministeriu chave sira no parte interesada sira ne'ebé bele hatán ba Primeiru-Ministru Governu Konstitusional da-9 tuir mai. Objetivu husi taskforce ne'e mak atu halo revizaun ba progresu sira ne'ebé iha ona iha planu setorial sira iha setór saúde, edukasaun no protesaun

sosiál sira, no mós ba rekomendasaun sira ne'ebé deskreve ona iha HCR kona-ba objetivu intersetorial lubun ida-ne'ebé klaru no sukat liu iha intervalu regulár sira. Liutan ne'e, taskforce ne'e tenke servisu iha Governu laran tomak hodi responde ba obstáku institusionál sira no kria ambiente ne'ebé presiza atu fasilita rezolve krize kapital umanu iha Timor-Leste.

Figura ES6: Enkuadramentu kauzalidade HCR no área temática prinsipal ba intervensaun



Fontes: Hosi Autor sira 2022

Tabela ES1: Rekomendasaun ualu iha área temática haat

Área Prioridade sira	Rekomendasaun sira	Prazu
a. Hadi'a efisiénsia gastu públiku no estimula nesesidade ba saúde, edukasaun no servisu sosiál sira.	1. Atu estimula nesesidade ba saúde, edukasaun no servisu sosiál sira, halo fila fali programa protesaun sosiál BdM no BdM Jersaun Foun, ho atensaun spesífiku ba intervensaun nutrisaun no nesesidade ba kuidaun primáriu ba saúde inan no labarik, hanesan dalan ba introdusaun mudansa hahalok komunikaun ho alvu ba benefisiáriu sira, sesaun sira ba dezvoltamentu komunitáriu ka kondisaun sira ne'ebé aplika ona.	Kurtu-prazu

	<p>2. Atu hadi'a efisiénsia gastu públiku nian, rebalansu sistema protesauñ sosiál ba sira ne'ebé presiza liu, liu husi taka lakuna kobertura iha rede seguransa sosiál no rebalansu graduál rekursu limitadu sira ba programa sira ne'ebé ho alvu ba sira ne'ebé vulneravel liu.</p>	<i>Médu-prazu</i>
<p>b. Hadi'a rezultadu saúde no nutrisaun liu hosi reforma seitor saúde</p>	<p>3. Atu taka lakuna Kritika sira iha parte fornesimentu kuidadu saúde, investe iha infraestruturá física no ekipamentu sira, no mós treinamentu klíniku ba pesoál saúde sira ne'ebé dadaun servisu hela, hamutuk ho dezenvolve planu estratéjiku ida ba médu prazu hodi hadi'a rekursu umanu sira iha saúde.</p>	<i>Kurtu-prazu</i>
	<p>4. Atu responde ba taxa atrazu kresimentu (<i>stunting</i>) ne'ebé aas tebes, institucionaliza kuadru nutrisaun multisetorial iha CNAP-NFS nia laran ho foku klaru ba intervensaun ho impaktu aas no alvu desizivu sira, no hametin intervensaun nutrisaun ne'ebé komprehensivu no ho alvu ba ema sira ne'ebé vulneravel liu, inklui suplementasaun mikronutriente, apoiu ba fó-susu, ai-han komplementár ne'ebé apropiadu ba idade, tratamentu ba anemia, planeamentu familiár, atendimentu kuidadu antes moris sira, no apoiu saúde mentál inan nian.</p>	<i>Kurtu-to-médu-prazu</i>
<p>c. Hadi'a rezultadu edukasaun no responde ba lakuna relasiona ho abilidade krítiku sira</p>	<p>5. Atu hadi'a rezultadu edukasaun nian, lansa programa aprendizajen ida-ne'ebé efetivu hodi aselera aprendizajen ne'ebé foka liu ba manán lalais hanesan atividade formasaun ba profesór sira ne'ebé adapta ona, utilizaun kurríkulu kompakta no fornese apoiu tékniku besik ba profesór no ekipa eskola sira.</p>	<i>Kurtu-prazu</i>
	<p>6. Atu hamenus número hakotu eskola (dropout) ne'ebé aas, implementa sistema avizu sedu ida-ne'ebé bele identifika estudante sira ne'ebé iha risku atu sai husi eskola hamutuk ho kampaña sensibilizasaun kona-ba retornu ba edukasaun no insentivu finanseiru ne'ebé iha ligasaun ho inskrisaun eskola ka atende eskola.</p>	<i>Médu-prazu</i>
	<p>7. Atu rezolve lakuna abilidade krítiku sira ne'ebé impede kreximentu setór privadu nian, halo konseptualizasaun no implementa estratéjia dezenvolvimentu ida no dezenvolvimentu forsa traballu nian, ho foku ba taka lakuna abilidade dijital sira no asegura forsa traballu ne'ebé prantu ba setór prioridade sira hanesan manufatura no turizmu.</p>	<i>Médu-prazu</i>
<p>d. Haforsa dezeñu politika ne'ebé bazeia ba</p>	<p>8. Atu promove dezeñu politika bazeia ba evidénsia, monitorizasaun, avaliasaun, no akuntabilidade, harii sistema</p>	<i>Médu-prazu</i>

evidencia, monitorizasaun, avaliasaun no akontablidade	dadus ne'ebé forte no integradu liu no sein-falla ba setór saúde, edukasaun, protesasaun sosiál no traballu no introdús sistema UID inkluzivu ida.	
---	--	--